

Ilekoa

INAKI SEGUROLA



ASPERTU naiz artikulatu txoroak idazten. Gaurkoa serioa da eta aitormen latz batekin hasiko naiz: nik bihotzekorik edo gibelakorik ez dut, hilekoa ere ez dut egundo probatuko, baina ilekoa bai, ilekoak aspaldi jo ninduen kopetatik gorako paraje horretan. Bigarren aitormena, txit parregarria: nik oraindaino zenbait inuxente engainatu ditut esanez ezen, nola, umetako gaitzak direla medio, odol-emaile ezin izan nintzekin (ezin odolik eman ez Lagun-hurkoaren, ez Aberriaren, ez deusen alde), zerbait emate aldera, bada, ile-emaile egitea erabaki nuela, buru-gaina neure gogoz bakanduz.

Baina heldu zaigu ordua gezur politikak utzi eta egia ederrak agertzekoa. Zientziak ere badaki tarteka egiantzeko konturik asmatzen, eta eboluzioaren teoria lagun harturik, aise jabetzen ahal gara animalien eboluzioaren joera garbia izan dela ezkatat edo lumaz gabetu, larrua findu eta ile-bizarrak eginahalean urritzekoa, halako moldez non duda gutxi-rekin baieztatu baitaiteke giza-pertsona-dela eboluzioaren kate horretan den animaliarik aurreratuena, eta aurreratueta aurreratuena, berriz, beraren alderdi emea, hau da, emakumea, izanik hau larruz finena eta ilez urriena. Arrazoi-modu berberak garamatza, ordea, deklaratzera badela bere bikaintasunean emakume hilekoduna hausten duenik ere, eta hori da, jakina, gizakume ilekoduna, sortzez ez baina gerora, harrotasunez edo, buru-gaineko ilea botatzen duena, eta oroz gainetik, 25 urterako arrunt kaskasoildu eta buruko gazta zuri eder distirantarekin inguru guztian argi egiten duena, gauaz ipurtargiak bezala: horixe da, eta ez beste inor, animalietan bikainea, beteginena eta biribilena, eboluzioaren gailurra eta goi-gorengo erpina.

Lastima, nere moduko erdipurdikoentzat, aukeratuena gailur hori harrapatu gabe gelditu izana.

Ez agian pisago

JEAN LOUIS DAVANT



FAMA txarra dute beraz politikariek. Arrazoinak ez dira falta. Ohikoak hor daude: demagogia salatu zuen aski goizik Demosthenes handiak; hitz emana ez dutela beti bete-tzen, eufemismoa da naski. Eta hara non iruzur eta ustelkeriak agertzen dituzten epaileek Italian, Frantzia, Espainian, Euskal Herrian ere ta, nor erranen zuen, Alemania puritano eta diziplinatu hartan gainera!

Alta bada, politikarien defentsan ariko naiz egun. Ez da nire usaietan eta ez dut maiz egingo. Baina egia honek ere behar du bere bidea: oso gauza bortitza eta gogorra da politika, horretan sar eta irauteko behar da gaitzeko bertutea. Leninek, beste egia batzuren artetik, erran zuen gerla dela politika, beste medio batzuek aurrera eramana. Alderantzizkoa ez da okerrago: politika dugu armarik gabe egindako guda. Hobe segur, besteak baino gutiago hiltzen du, eta oraino hobe litzateke armen indarra ito baleza gaur mintzo den lekuetan, Euskal Herriatik haste.

Aurrerapen izigarria izan zen gizakiaren historian politikaren sorrera eta hain zuzen ere, demokraziarekin batean jaio zen Ateenasko hirian. Luzaz iraun dezala beraz, maingu bada maingu, ezen tirania garbienak baino gehiago balio du demokrazia ustelenak. Hemen iruzur eta korruptzioen berri jakin dezakegu eta haien salatzea egin. Bestean ezin da. Horri esker, ustelkeria gehiago baizik ez da diktaduren azpian gordetzen.

Dena dela, adore handia behar da politikan artzeko, eta osasun gogorra: urdaila, bihotza, tentsioa, zainak haxeak. Gainera, ez da gauza segurra beren hautesleak baino pisago direnak hautetsiak.

● EL PAIS

Normala eta patologikoa

Ospa dezagun, bada, Euskal Herriako Bake Konferentzia hau. Areago, eman dezagun herri honetan aldi luze bat abiarazten dela, bertako jendeari prestakuntza politiko aske eta zabala eskainiko diona. Eztabaida daitzelaz asetzera joran nazionalista gauzatzea ekar dezaketen formula posible guztiak, baita, eta ez gutxiago, demokraziaren oinarrian dauden kontzeptu ere.



Laosen? Bai zera! Hori Pavarottiren etxean egon da ezkutatuta. / Ez dakizu nola kantatzen duen!
LOPEZ & PEREZ / EGIN

(...) Baina, jainkoen betikotasunean gabe gizakien historian gaudenez, prozesu hori ezin da infinituraino luzatu. Edo itxeko itxaron beharko al dugu harik eta batzuek edo besteek beretarren garaipena ziurtat jo arte? Azken finean, aldi horren amaieran akordio bat hartu beharko da guztien konbinentzia ziurtatzeko. Eta beste zein prozedura egokitzen zaio hobeto gure arrazoi-men eta askatasunari gehiengoaren araua baino? Horrek inondik ere ez du behin-betiko bukatutzat ematen gatazka baina, lagungarria da auziaren erdian bizitzeko.

AURELIO ARTETA

UZENDARIARI

Konferentzia eta prentsa

Komunikabide zenbaitek eta 'El Diario Vasco', 'El Correo' eta 'El Pais' izenekoek gehienbat Elkarrizketaren konferentziaren hasierari eta gure indar politikoaren ordezkarien eskuhartzeari, bereziki, eman dioten tratamendua dela eta, Herri Batasunak bere haserre bizia ezagutarazi nahi du.

Edonondik begiratu, Konferentzia horren kontrako erasorik bortitza eta era guztietako soluzio bide politikoak lehortarazteko saioa PP, UPN eta PSOE ez joatea izan den arren, komunikabide hauek eta beste zenbaitek beren borondatez Konferentziara bildu ez diren alderdi politikoei koartadak eskaintzen dizkiete, beraien jarrera intransigentearen aurrean ez ikusiarenak eginez eta gezurrezko irudi bat zabaltzen saiatuz, hau da, Herri Batasuna elkarrizketarako bideak oztopatzen ari da. Indar politikoaren arteko Konferentzia hau egiaz mugaturik sortu da, izan ere, ausentzia biziki adierazgarriak gertatu direlako. Lakioak eta zuloak non dauden arakatu nahi izatekotan, indar politiko horietara eta Estatura begiratu behar.

Konferentzia honek —eta beste edozein eratako elkarrizketak— porrot egin dezan nahi dute komunikabide batzuek, badakigu. Autodeterminazioaren aurkako bunkerraren al-tzotan, elkarrizketaren kontrako kaiolaren banean, Estatu espainolaren sektorerik erreakzionarioenetan goxo-goxo magaldurik daudelako nahi dute porrot egitea. Komunikabide horiek azken urte hauetan erakutsi duten ildo editorial eta orokorra gogoratzea besterik ez dago, Euskal Herriaren eta herritarren eskubide demokratikoen aurkako militanteak direla frogatzeko.

Horietao zenbaitek euskal gizarteak amnesia egoki hori jasatea nahi luketen arren, aspaldi ez dela komunikabide horietako batzuek HBren zentzugabeko isolamendua salatu eta indar politiko honekin ez hitz egitea

eta deus ez erabakitzea demokraziaren kontratatzat aurkeztu zuten. 1992 urteko EAJ eta HBren arteko elkarrizketaren eta autobideari buruzko akordioaren aurkako editorialez aiantzi al dira dagoeneko? Algerreko elkarrizketen aurrean erakutsi zuten aktibismoaz ez ote dira gogoratzen?

Horrexegatik, elkarrizketa berriz hastearren kontra egiazko gezi pozoinduek ohi ziren datuak behin baino gehiagotan argitaratzeko erantzukizuna izan zuten elkarrizketaren aurkako aspaldiko militanteak muturra zuritu, zabaltasuneko lezioak eman eta HBren jarrera kritikatu nahi izatea zinismozko erakustaldia da.

Oroit gaitzen, orain gizarteari irtenbide politiko negoziatuaren aurkako jarrerak Ezker Abertzalean daudela sinestaz nahi dioten komunikabide eta kazetarien jokaera beligerantea topatu izan dugu elkarrizketarako bideak jorratu eta soluzio politikoak bilatzeko etengabe egiten duten deialdian.

Elkarrizketa bidean aurrerapausoak emateko ekimen guzti-guztiak boikoteatu besterik egin ez dutenek, gaur egun ere arazoaren izaera politikoa ukatzen dutenek edo euskaldunen arteko arazoa dela frogatu nahi dutenek, nolako eskubide moralak ote dute Herri Batasunaren uestezko intransigentziak mintzatzeko? Pleistozenoko ikuspegitik HB kritikatu eta PP eta PSOE defendatzen dutenen legitimitatea zein ote da?

Elkarrizketaren kontrako joera horien atzetik, betidanik soluzio politikoaren etsai izan direnek Konferentzia horri ematen dioten interesaren gibelean, Euskal Herriari zor zaizkion eskubideak lortu eta herri subirano izatearen beldurra dago ezkutatuta. Badakigu jokamolde horien azpitik nazionalismo espainola eta, horrenbestez, euskal nazioaren ukapena dagoela.

Horrexegatik, dei egiten diegu komunikabide horiei behingoz jarrera alda dezaten, desinformazio eginkizunetan jarrai ez dezaten

eta Euskal Herriaren autodeterminazioa eta lurralde batasunaz beste oinarririk izan ez dezakeen soluzio politiko demokratikoaren alde ager daitezten.

ROBERTO SAMPEDRO MADINA

(HBko prentsa arduraduna)

Donostia

Ez bota harria geure buruari

Denboraldi honetan ikusten eta entzuten ari gera nola abertzale bezela agertzen diran ugari hor dabilzala gure arerio purrkatuenekin bat eginik, abertzaleak benetan diranak oinperatu ta hondatu nahian.

Jokaera horiek tamalgarriak dira askorentzat eta ez naiz harritzen zuetako askoren jokaera ikusirik, zuetako askoren abertzaletasuna zalantzan jartzen dutela batek baino gehiagok. Esaten dezuten bezela abertzaleak izanik, ezinestekoa bai litzake gure aurka hain gogor eta gorroto handiarekin, gure herriaren hondamendi diren horiekin bat eginda, zuen bide beretik ez dijozenak lurperatu nahi ta berak oinperatu ta hankapera jaurtitzearen bila, beti Madrilera begira diran horiekin bat eginda ibiltzea.


Ez dute parre gutxi egiten gure etsaiek, gure arteko burruka horrekin, benetan lotsagarria bai da, abertzaleak gurea aitortu ta gu guziok dabilkigun politika hori. Aitortzen degun bezela abertzaleak baigera, ez daigun ibili alkarri harria jaurtitzen, denok alkarturik ere, nahiko lan bai degu gure nahia lortzen.

La egun batez oroitzen geran gure arteko ikusi ezinakin zer kalte egiten diogun herriari eta denok helburu berekoak izanik, ahailegintzen geran guziok alkarturik askatasuna denontzat irabazten.

INAKI ISASMENDI

Hendaia (Lapurdi)

GAIA JARRITA



Kontrapasa

Kontrapasa heldu da ta gure galdera: Bizkaia ta Gipuzkoan seguru al gera? Ehiztarien tiroak usuen aldera beste inun ez omen da berdin gauza bera. Batzuek diotenez gutxi gora-behera Europan ez gaudela esateko era.

EUSEBIO IGARZABAL

Egunkaria

Batzarde Parekidia: 72564 E / Lege Gordailua: SS 800/90



OJDK IKUSKATUTAKO HEDAPENA

Administrazio Kontseiluko Lehendakaria: MARTIN UGALDE

Kontseilu Editorialeko Zuzendaria: JOAN MARI TORREALDA

Kontseilari Ordezkarria: INAKI URIA

Zuzendaria: MARTXEO OTAMENDI

Gerentea: FERMIN LAZKANO

Publizitatea: MARI JOSE SARASA

HELBIDEAK

Egoitza nagusia: Gudarien etorbidea, z/g. 20140 Andoain

30 02 22 / Erredakzio faxa: 30 02 55 / Publizitateko faxa: 30 07 07

Araba: San Antonio, 20-1. ezker. / 01005 Gasteiz / 38 72 / Faxa: 23 38 73

Nafarroa: Iratxe Monastegia, 45-13. esk. / (Irrintzi dorrea) / 31011 Iruñea

17 80 78/79 / Faxa: 17 80 77

Bizkaia: Zabalburu Enparantza, 2-1. ezker. / 48003 Bilbo

410 40 46 / Faxa: 410 37 15

Lapurdi / Nafarroa Beherea / Zuberoa: Pannecau 14, 1/503 Posta

kutxatila, / 64100 Baiona / 59 59 35 75 / Faxa: 59 25 75 11